

مشتاقنامه

۱۳۲۶

محل مطبعه و اداره :

جفال اوغلانده امنیت
صندوقی جوارنده
شنکول یقوشنده
۲۲ نومرو

امضای :

مسلکمه موافق آثار
جدیده مع الممنونیه
قبول اولنور

درج ایدلمه یین آثار اعاده اولنماز

دیر ، فلسفه ، علوم ، حقوق ، ادبیات تاریخ ، سیاست ، و بالخاصه احوال و مشوره اسلامیه بحث ایدر دهفته ده بر نشر اولنور .

آبونه بدلی

صاحب و مؤسسلری :

ابوالعلا زین العابدین - ح . اشرف ادیب
تاریخ تأسیسی

۱۰ تموز ۳۲۴

در سعادتده نسخه سی ۵۰ پاره در

قیرلهدن مقوا بورو ایله کوندربلیرسه سنوی
۲۰ غروش فضله آلنیر

سنة لکی	التي آیلانی	غروش
ممالک عثمانیه ایچون	۶۵	۳۵
روسیه	۶۵	۳۵
سائر ممالک اجنبیه	۱۷	۹

عدد : ۱۳۰

۳۰ صفر پنجشنبه ۱۷ شباط ۳۲۶

بشنجی جلد

پوموشاق! بوعوارضك كافه سی قوابل بمکنه ده کی ا- تعداد مقتضاسنك
کنیدیلرنده ظهوریدر. اواستعداداتی ظهور ایتدیرن قوت ده بزده کی
مدرکه در.

ایشته اعیان قابله ده کی تجلیات الهیه ده - قیاس مع الفارق صورته -
هان بوکا بکزه دیلایر. بو حقیقت مهمما امکن آکلاشدن صکره
دینه بیلیرکه: تجلیات الهیه نك قوابل اعیانده بوجهاه مستمر اظهوری
اشیای خارجییه ایچون وجود نفس الامری صورتنده تجلی ایتک بزم
ایچون ضروریدر یوقسه حد ذاتنده اشیاده نه وجود نفس الامری
واردر نه ده اعراض اولیه و ثانویه! بونلرک کافه سی جناب حقل تعینات
ازلیه سیله اعیان ممکنه به تجلیسندن عبارتدر.

نته کیم صوامت و جوامدك بتون اعراضی انلرده کی استعدادك
بزده کی قوتله ظهورندن بزده کی قوتك ده انلرده کی استعداد تاثیرندن
بشقه برشی دکدر. حالبوکه ساحه حقیقه کیرنجه بوسوزلرده اعتبارات
ذهنیه عدادینه داخل اولور.

بعض کیمسه لرك بورادن جرأت الهرق حقیقت وجود نامنه جرأت
ایتدیکری برطاقم ترهات غایت دقیق اولان بویچی اکلامدقلرندن
یاخود اکلامش اولق زعمنده بولندقلرندن منبعثدر. (اوبعض میاننده
بلکه بنده داخل)

نتیجه - اشیانك وجود نفس الامری دیه تصور ایتک ایستدیکمز
شی علم الهیه کی ثبوتلرندن بشقه برشی دکدر.

جناب حق او تعینانی، وجود خارجی صورتنده ادراک ایده جک
مخلوقات یعنی بز یاراندقلر صکره تجلیات غیر متناهی سنه مظهر اولان
بوساحه تناهی ناپذیری نظر کا همزده تجلی ایتدیردی. بنابرین نفس مزده
اومیانده داخل اولدینی حلاله بزم اشیانانی ویردیکمز تعیناتک کافه سی
فی نفس الامر معدوم ووجود حق ایله موجوددر.

انلره موجودیرز: حقل مستمراً افاضه وجود ایتسیله!
معدوم دیرز: اوافاضه نك انقطاعیه هپسنك پیغوله کونه ایتسیله!
ارتق مادیون ایشی یوقسه ماده نك بالکیمیا احماری ممکن اولدیغی
ادعا ایتسون. ماده دن ایلری کچه مین بر نظر ذاتاً بوندن ایلرینی ده
کوره مز

«الم ترالی ربك كيف مداخل ولولوا لجعله ساکناً ثم جعلنا الشمس
عليه دليلاً ثم قبضناه قبضاً بغيراً»

خلاصه کلام جوامد و صوامتک بنفسها تعینلرینه امکان عقلی یوقدر
بونلرک تعین ذاتیلری بهمه حال برادرکه قارشودر.

حال بوکه ساحه تکوین شعله ادراک بمرله تنویر ایدلمدن اول
جوامد و صوامتک بزجه تعین ذاتیلری دنیلن وجود ایله متعین اولدقلری
مادام که دلائل فیه ایله ثابتدر، انلرک ده لاجرم بروجود مدرکه قارشو تعین
ایتمش اولملرینی قبول ایتک بزم ایچون ضروریدر.

ایشته انسان بو حقیقه واقف اولدقلر صکره کنیدی تعین ذاتیسنك
ده او وجوده قارشو تحقیقی جزم، صکره ده او تحقیق و همی بی نفسندن
اسقاط ایدرسه کنیدیسنك کیمکه قائم، کیمکه موجود اولدینی اکلار. اجلائی

بدييات اولان کیندی نفس موهومنی فصل دلیلدن مستغنی اوله رق
جزم قطعی ایله جزم ایدرسه انك منشاء تعینتی ده اوله ججه دلیلدن مستغنی
اوله رق جزم ایدر «من عرف نفسه فقد عرف ربه» حکما بوساحه
تناهی نا پذیره پای انداز دخول اولمشلر، نه قدر منزل قطع ایده بیلدیرسه
اورایه برعلامت رکز ایدرک ادینه مسلک دیمشلر. بوعلامت لرك بینلرنده
نسبی مسافهلر واردر فقط فسحتسرای حقیقه قیامته قدر بویله علامت لرك
رکز ایدلسه اوساحه لاتناهی ینه اولانجه عظمتیه نظر حیرت اوکنده
تجلی ایدر.

ای همه هیتی زتو پیدا شده
خاله ضعیف ازتوتوا ناشده
زیراشین علمت کائنات
ماتو قائم چوتو قائم بذات

فرید

سلامت و صحت

حریت علم

بدنه کوره غدانه ایسه قوه عقلیه کوره علم اودر. بدن فصل
یردن یتیشن برچوق موادی تمثیل ایدرک نما بولیورسه، قوه عقلیه ده
اوله ججه خارجدن آلدینی برطاقم معلوماتی، برطاقم علمی نظریاتی
تمثیل سایه سنده بویویور، یوکسلور.

ایشته بونك ایچوندرکه انسانیتی تذلیله جالشان رؤسای روحانیه
هرشیدن اول علمه هجوم ایدرک کرک اونی، کرک طرفدارانی تشنیه،
ترذیله باشلامشلردی، حق علمی یانته یا قلاشوق جائز اولمیان برلوت
صورتنده کوسترمشلردی. مشهور «لاروس» قاموس علومنده
دیورکه:

«لکن یونلر علمی، میودسنی ینلر، اولدیرن شجره ملعونه
اولق اوزره تلقی ایدیورلردی.»

أوت، بو آدم لر علمه اوله برهجوم کوستردی لرك مراقبه لری
التنه یشایان انسانلر ایچون علمك آدینی آنق بیله محرماتدن اولدی.
مع مافیه بونکله قالمادیلر: قدما نك فلسفه سنه، حکمتی کنیدی و هم لریله،
خیال لریله تالیف ایدیلر بیله جک برحاله کتیرنجه به قدر تحریفاته و غرابتیلر،
نهایت اوفلسفه لر، او حکمتلر اوله چیرکین برقیافت آلدیکه نظر عقل
بوعجوبه نك اوکنده مدعش اولور قالور!

رؤسای روحانیه کنیدیلرند، تمز توکنمز برعلم، تناهی بیلمز بر
خزیننه عرفان بولندیغنه قانع اولدقلری ایچون بونك خارجنده نه
وارسه حق و حقیقتدن خارجدر، قبول ایدنده زندقه بر، حکمی
ویره رک محکومی تصویری عقللره دهشت ویره جک، اک متانتلی یوزکلری
دهشتلره دوشوره جک بریغین اشکنجه لرتنده اولدیرلردی بوسورتله
علمك ترقیسنه چالشمش اولق تمهتیه بر چوق حکمای محو ایتدیلر.
علمك تاریخی تتبع ایدلر بیوک بیوک عبرتلر کورورار.

ایشته بوکی وسائل جبر و شدت سایه سنده علمه قارشى اولان تمایل طور دی . لکن قوانین حیات بوکی نازوا حرکات علمیه بر حجت اقامه ایتدیکه او حجت ناطقه ده جهانک، خرافاتک افکاره حاکم اولمسی، او هامک، خیالات باطله نکر و اوج بولمسی ایدی . نهایت احتراصات بهیمیه تمایلات انسانیه غلبه چالدى . قویله ضعیفله چوللانهرق اونلری بتون حقوق طبعیه لرندن ، بتون مناعهم حیاتیله لرندن محروم براقدى . ایشه بوهرج و مرج بوتون حرکات انسانیه حاکم کسلهش ، ارتق سیلاب تپهلری آشمش، بیجا کیمکه دایانمشدی . بونک اوزرینه علمى اسارت جهنمیه سندن قور تارمق ایچون داخلی اختلالات، او خونین مقاتلات میدان آلدیکه تفصیلی تاریخه براز وقوفی اولانلرک معلومیدر .

ایشته جانب کبریادن سیدالکائنات افندمنر حضرتلرینه الهی برچوق حقایق نازل اولدینی، هر درلو قیود اسارتدن آزاده بر علم، بر مدنیت حقیقه، علیه الصلوات والسلام افندمنر وحی بیورلدینی بر صروده ماتلرک حالى بودرکده ایدی . دیانت اسلامیه کلدی . علمک ایاننده کی زنجیرلری بویوننده کی لاله لری قیردی آتدی ؛ علمک هر هانکی فیدایله اولور ایشه اولسون تقیدى ، یاخود هانکی حدایله اولور ایشه اولسون تحدیدی بر ظلم الیم اوله جفتی تقریر ایتدی .

« من قال ارللعلم غاية فقد بنحسه حقه ووضعه فی غیر منزلته الی وضعه الله بهاحیث یقول وما اوتیم من العلم الا قلیلاً حدیث »

دین اسلام قرآن کریمده « وتلك الامثال نضرب للناس وما یعقلوها الا العالمون » نص جلیله خالق حکیمک لسانندن شو حقیقتی تبلیع ایدیورکه فاطر مطلقک رسول کزیننه انزال ایلدیکی کلام جلیلنده کی حکمت بلندی آکلامق انجق انوار علوم ايله تنویر فکر ایتک ، تتبع معقولات ايله نظره نفوذ و امعان و یرمک سایه سنده قابل اوله بیلیر . هم قرآن بو قدرله اکتفا ایتیمور . بلکه طلب علمدن کیر و طور انلری سوء عاقبتله ، عذاب ايله تهید ایدیور . نه کیم قرآن کریمده : « ولئن ایتیم بآیه لیقولن الذین کفروا ان اتم الامبطلون . کذلک یطبع الله علی قلوب الذین لا یعلمون » وارد اولمشدر .

ایشته بوکی آیات بینات ايله مسلمنانلق عقوله قارشى علوم و معارف حقیقه قبولرینی آچش ، بو علوم و معارفک اکتسابی ایچون اختیار اولنان مسامعینک اک بیوک عبادت اولدیغی انسانلره بیلدیرمشدر . حضرت پیغمبر « اک بیوک عبادت طلب علمدر . انسانک بر ساعت علم ايله مشغول اولمسی آلمش سنه عبادله وقت کچیرمسندن خیر لیدر . » بیوریور .

مسلمانلق علمی نه بر مملکته ، نه ده بر ملت حصر ایتامشدر . بلکه نوادر عرفان و معرفتی هانکی اقلیمده ، هانکی امتده بولورسه ق آلمق ایچون بزده امر ایتمشدر . « اطلب العلم ولو بالین - الحکمة ضالة المؤمنین یأخذها انی وجدها » حدیثلری معلومدر . بناء علیه هیچ بر مسلمان ایچون بر حکمتی ، محضاً اعتقادجه کنديسنه منافی اولان بر منبعدن صدور ایتش اولسنه باقهرق قبول ایتامک اصلاً جائز اوله ماز . بلکه او حکمتک حکمت اولمسی، شان انسانیتی اعلايه یارامسی در حال تلقیسنی

الحجاب ایدن اک باشلی بر سبیدر . حضرت پیغمبر « خذ الحکمة ولا یضرک من ای وعاء خرجت ... حکمتی هانکی قابده کور و رسه ک آلمق کیر و طورمه ظرفک سکا هیچ بر تأثیری اوله ماز . » بیوریور .

قرآنی کمال تدبرله تلاوت ایده جک اولورسه ک انسانى علمه قارشى غفلتدن ، بینات حکمته قارشى اغماض عیندن منع ایدن بر چوق آیتلر کور و رسه ک . ایشه حکیم جبار عبادینه لسان رحمت و راقبتله « انظروا ماذا فی السموات والارض » دیور . کائناته نظر امعان عطف ایتمکده قصور ایدنلری « وکأین من آیه فی السموات والارض یمرون علیها وهم عنها معرضون » طرزنده الزام ایدرک ارباب فکری عبرته دعوت بیوریور . بدایع خاقتی تدبردن کف نظر ایدنلری « ومن کان فی هذه اعمی فهو فی الآخرة اعمی و اضل سبیلاً . قال رب لم حشرتی اعمی وقد کنت بصیراً قال کذلک اأتک آیتنا فنسیتها وکذلک الیوم نسی . » صورتنده انذار ایدیور .

ایشته مسلمانلقده حریت علم بو درجه لرده در ! عجب اولین و آخرین انسانلری شویله طورسون ، جماداتی بيله حرکت کتیره جک بو قدر آیات ايله علمک شانتی اعلا ایدن مسلمانلک درجه سنه وارا بیلیمشلمیدر ؟ هم باقلم زمانمزه کی حریت علمیه عصر حاضرده یک اوزاق بر دوردمی باشلاور ؟ خیر . فرانسه ک اسکی خارجه ناظرلرندن هم اک بیوک کیمیا کرلرندن « بر تلو » دیورکه ؛ « علم انجق ایکی یوز الی سنه دنبری نائل حریت اوله بیلدی » الحمد لله الذی هدانا لهذا ...

محمد اکف

مکتبلرده علائم جویه رصدخانه لری

بزعمانلیر چوق تأسف اولونورکه، سوکیلی، مقدس وطنمزی داهای طانیه میورز . طانیمنی و بیلمامکی بر قصور اوله رق قبول ایتیز ایشه ک بيله، او کریمک آمانی طاشیامه ک مدھش بر قصور اولدیغی اعتراف ایدرر .

صاحبی و حاکمی اولدیغمز بومملکتک بر چوق شیلرینی غریبدرکه اجنبیلردن اوکره نیورز . اناطولی احوال تجاریه و زراعیه سنه دائر اجنبیلرک نشر ایتدیکی بر اثری کوردکی هان اونی آچیور، او قویور و استفاده ایلیمکه چالیشیورز . چونکه بزم بیکانه قالدیغمز حالده اونلرک منفعتلری اقتضاسی اوکرندکلی شیلره بزم هیچ وقوفمز یوق ... انکله رده بر جمعیت تجاریه و سرمایه داران مشهور بر متخصص ، بر پروفیسور باموق حقنده اناطولی ده تحقیقات و تدقیقات علمی و تجاریه ده بولونمق اوزره کونده زیور ؛ بزم اک بیوک بیلکیچلک طاسلایانلریمزک بيله واقف اولمقدلری بر حمله ايله مملکتیه عودت ایدیور .. صوکران بزم بوفائده دار معالوماتی کور و نجه هان غزته لریمزه نشره چالیشیورز .

باموق مسئله سی بر مثال اوله بیلیر . داهای بویوله اونلردن اوکرندیکمز